


მეგობარი

№ 20

1917



მე კი მეგობარი: მოქალაქე მწიფე არ იყო,
ვფიქრობდი, მისთვის სამ იენისის ღუმაც კმარიყო.

მაგრამ ნუ იტყვი: მე ვარ, თურმე, მკვან-უმწიფარი.
ოც-და-სამი წლის უთავბოლოთ ნახელმწიფარი.

სიმწიფის მთხრობა

„სიმწიფის“ დადასტურება
 უბრალო საქმე როდია,
 თუკი მას მიზნად დაუსვით:
 —რისათვის იმწიფოდია?

განსვენებული მთავრობა
 მებაღეთ იყო გარძნეული:
 წიკპურტის გაკვრით ატყობდა
 თუ იყო შემოწეული.

აი შემოჰკრა პირველათ
 და სთქვა: „არ არის მწიფეო,
 დაიღუპება, საბრალო
 მე თუ არ ვებელმწიფეო“.

და იხელმწიფა ვიდრემდის
 დრო გაზაფხულის ჩამოდგა.
 გაჰკრა წიკპურტი და ხალხი
 კვლავ უმწიფარი გამოდგა.

— იქნება „ერობისათვის“
 მალე გამოდგეს მწიფეო,
 თუ ძველებურის სიმტკიცით
 და წესით ვებელმწიფეო.

და იხელმწიფა ვიდრემდის
 ცხელი დაიწყო ზაფხული,
 მაშინ კი წალკოტს ესტუმრა
 მებაღე გამოწაფული.

გაჰკრა... წიკპურტის სანაცვლად,
 მან მუჯლოგუნე ძლიერი,
 და სთქვა: „ღუმისთვის“ ივარგებს
 უფრო მწიფე და ხნიერი.

თვით, სახელმწიფო სავარძელს
 ჩამოჯდა უდარდელათა.
 იმედით განმტკიცებული
 ისევ, როგორც ძველათა.

შემოდგომაზე მოხელემ
 ბაღში კვლავ ჩამოიარა
 და ხეილს, ანაზღეულად,
 მახვილით დასდო იარაღი.

გაუმიზეხდა ქრილობა,
 გაუათასდა წყლულები:!

„პასუხის მგებელ მებაღეს“
 ითხოვენ დაჩაგრულები.

მებაღე ამბობს:—ადრეა!
 თუ ჯერ არ დავამკვიდრეო,
 ეს იმას ნიშნავს, რომ ვუცდი
 მომწიფდებოდე ვიდრეო.

როს მიიწურა ზამთარი,
 მან კვლად ჩაუწყობარტა!
 მაგრამ შეჭედოთ:
 ეს მ-კ-ვ-ა-ხ-ე
 უეცრათ თოფს არ მივარდა?!!

რაც მოხდა ამის შემდგომად
 თქმა მისი აღარ მჭირია.
 სიმწიფე-სიმკვახის გაზომვა
 ამრიგათ გასაქირია.

ეშმაკი

პატარა ფელეტონი

ლილი და პატარა

მკითხველი საზოგადოება ორ საქართველოს
 იცნობს:

საქართველოს დიდს,—ქვეყანას; „საქართვე-
 ლოს“ პატარას—ვაზეთს. მათ შორის მრავალი გან-
 სხვავებაა:

ა) პირველს განაგებს სოციალ-დემოკრატია,
 მეორეს ნაციონალ-დემოკრატია.

ბ) პირველი იწერება თავისუფლად, მეორე
 იწერება ბრკეცალებში.

გ) პირველი გადაქიმულია ხმელეთზე, მეორე
 კი ქალღმერთზე.

დ) პირველში მოხდა დიდი რევოლუცია, მეო-
 რეში კი პატარა.

და მე მსურს დღეს თქვენს წინაშე, ძვირფასნო
 მკითხველნო, სწორეთ ამ პატარა რევოლუციის
 შესახებ ჩამოვადლო ლაპარაკი. ეს ამბავი, არც ისე
 ინტერესს მოკლებულია, როგორც ზოგიერთ თქვენ-
 განს ეგონება,

ის დრო, როცა საქართველოში „საქართველო“ დაარსდა საისტორიო დროა. რუსეთის სამეფო ტახტზე მტკიცეთ დაეფუძნა გრიგოლ I და ტახტის გარშემო მკიდროთ შემოკრბა რუსეთის ნაციონალ-არისტოკრატია. ერთად ერთი სასაცილო სახელი ამ დროს „სოციალისტის“ სახელი იყო. საშობლოს მსხნელათ დაისახა ნადუდი (СПИД) ბურჟუაზიისა (2 წილი) თავად-ახნაურობასთან (4 წილი).

ჩვენი ქვეყნის ნაციონალ დემოკრატები, ანუ აწინდელი გამგენი „საქართველოსა“ აშკარათ ხედავდნენ, თუ საიდან უნდა მოელოდეს ხსნა ქვეყანას და აი ნეტარსენებული ეგზარხის პიტირიმის გარშემო დაარსდა პარტია, ხოლო პარტიამ გაიჩინა ორგანო „საქართველო“. თანახმად რეცეპტისა პარტიაში შევიდა ორი ბურჟუა და ოთხი თავადი, ხოლო პარტიულმა ორგანომ გარს შემოიკრიფა ყველა ბურჟუაზიისა და თავადობის მსურველი, დაწყებული ცნობილ ფილოსოფოსის გ. ქიქოძისაგან, გათავებული ცნობილ მგოსან გიორგი გვაზავათი.

რედაქციის საანგდოტო, სასაცილო, საოხუნჯო და სავარჯიშო თემას სოციალიზმი და სოციალისტი წარმოადგენდა. მათ შორის უპირატესობა რასაკვირველია სოციალ-დემოკრატის ეძლეოდა. სიმართლე უნდა ითქვას, რომ ეს უმთავრესი მუხლი პარტიულ პროგრამისა, ნაციონალ-დემოკრატიული პარტიის ორგანომ ჩინებულათ დაიმუშავა. პირველ ყოვლისა, მათ (ფედერალისტთა დახმარებით) დიდის ზეგებით დაკრძალეს ეგრეთ წოდებული ინტერნაციონალი.

მაგრამ მოხდა სასწაული: გრიგოლ I და მასთან ერთად მთელი სამეფო სავარეულო დაემხო, ხოლო რუსეთს სათავეში სოციალისტები ჩაუდგნენ. დაიწყო უკვე ცნობილი რუსეთის რევოლიუცია, რომლის ტალღა გადმოგორდა დიდ საქართველოში და აქედან შეიქრა პატარა „საქართველოშია“. ქალაქის საქართველო შეინძრა. პირველ დღესვე დაისვა საკითხი „სოციალისტობის“ შესახებ და ასეთი რეზოლიუცია იქმნა მიღებული.

„საქართველოს“ რედაქცია და მასთან ერთად ნაციონალ-დემოკრატიული პარტია საცენზურო სიტყვად სცნობს უცხო სიტყვა „სოციალისტს“ და ნებას აძლევს თანამშრომლებს თავიანთ სტატიებში აღნიშნული სიტყვა გაუღანძღავათაც მოიხსენიონ“.

დაღამდა პირველი დღე და გათენდა* მეორე. რევოლიუცია და ცხოვრება თავ-თავისი გზით მიდიან. ნაციონალურ დემოკრატიაში დაიბადა ინსტიტუტი რეკვიზიციისა და პირველ ყოვლისა მოტაცებულ იქმნა ერთი ავტომობილი. მაგრამ ამავ დროს პარტიაში თავი იჩინა სოციალისტებმაც. ერთი რედაქციის წევრთაგანი აშკარათ მიემხრო სოციალიზმს და რედაქციიდან გავიდა. ამან საფუძველი დაუდო რედაქციაში ანარქიზმის ჩათესლებას.

მესამე დღეს მდგომარეობა უფრო გამწვავდა. იმ დროს, როცა რედაქტორი გაზეთისა ფეხისადგილში გავიდა, დანარჩენმა წევრებმა ის გადააყენეს თანამდებობიდან, რეკვიზიცია უქნეს ორგანოს და აირჩიეს ახალი მთავრობა. რედაქციაში დაბრუნებისათანავე მგოსანმა რედაქტორმა მოითხოვა კერძო საკუთრების ნიადაგზე მის შელახულ უფლებათა აღდგენა, მაგრამ ცდა ამაო გამოდგა და ყოფილი რედაქტორი იძულებული გახდა გასცლოდა მის მიერ დაარსებულ კერას და გადასახლებულიყო ქიზიყს, სადაც მოუთმენლად მიელოდა მის ჩასვლას ნაციონალ დემოკრატთა პარტია.

რევოლიუცია პატარა „საქართველოში“ ამით არ დასრულებულა. რაც დღე მოდის რევოლიუცია თან და თან ღრმავდება. თუ სააგენტოს ცნობებს დაეუჯერებთ უკვე გასოციალისტებულან „სამეგრელოს კოლო“ (სპ. კედია და თ. სახოკია) დღე დღეზე მოეღის გასოციალისტებას „კახეთის კავშირს“. მართალია, ამობენ ის უკვე გადადგაო, მაგრამ ჩვენის აზრით ეგ სიმართლეს არ შეესაბამება. რყევაშია „გურიის ფრაქციაც“, ვინაიდან ბატონ გერონტი ქიქოძეში აღრე თუ გვიან გაიღვიძებს დროებით მიძინებული სოციალიზმი. ამგვარათ პატარა „საქართველოს“ ბურჯათ შეიძლება ჩაითვალოს „ქართლის ცენტრი“, რეზო გაბაშვილის მეთაურობით.

ასეთია დღევანდელი ვითარება დიდისა და პატარა საქართველოებისა. რა იქნება შემდეგ, ამას მომავალი დაგვანახებს.

კოლო.

ბ ა ნ მ ა რ ტ ე ბ ა .

მესამე კვირე სრულდება, რაც ქართველი ერის ყურადღება ერთ ფოკუსშია თავმოყრილი, ერთ საკითხზეა მიჯაჭვული. ასეც უნდა ყოფილიყო, ვინაიდან ეს არის მთავარ მნიშვნელოვანი საკითხი დღევანდელი მომენტისა და უმადურობაც იქნებოდა მისთვის ზურგი შეგვექცია.

საკითხი ესე გახლავთ ამხ. კენჭის მიერ გამოქვეყნებული პოლიტიკური ამოცანა უკვდავი მგოსნის სოლომონ ზურგიელიძისა:

„მ ი რ ი ა უ ი - ა რ რ ი ა“.

აღნიშნული ამოცანის შესახებ ჩვენს რედაქციას ჯერ-ჯერობით მხოლოდ 732 წერილი მოუვიდა, (ამათში 617 უმარკო). ჩვენ განვიზრახეთ ზოგიერთ მათგანს ალაგი დაუთმოთ ჩვენს ჟურნალში და მით დავანახოთ საზოგადოებას, თუ რაზომ ყურადღებით ეპყრობა ქართველი ერი თითოეულ სიტყვას საყვარელი მგოსნისას.

ბ-ნო რედაქტორო!

ეს მერვე დღეა, მე, ჩემი მეუღლე და ორი უფროსი შვილი თავს ვეცლებით თქვენ მიერ მოთავსებულ ამოცანას და მხოლოდ მეცხრე დღეს გაგვიღმა ბედმა. ჩემმა მეუღლემ ახსნა და აი ისიც:

„დემოკრატიული რესპუბლიკა“.

რა უბრალო რამეა და რამდენი შრომა დაგვიჭირდა მის ახსნა განმარტებაზე. გთხოვთ აუწყოთ საქართველოს ეს სასიამოვნო ამბავი.

მთელი ოჯახის მონდობილობით

ი რ ი დ ი თ ნ ზ უ რ ჭ უ ლ ა ძ ე .

ამხანაგო რედაქტორო!

პირველი შემთხვევითი შემთხვევა ჩემს ცხოვრებაში რაიმე საკითხს ასე გავეტაცებო, როგორც ეს სოლომონ ზურგიელიძის გამოცანამ მიქნა. არა თუ სხვა საქმიანობის, არამედ ქამის მადაც დამიკარგა. ცოტა თუ კიდევ დამგვიანებოდა გარწმუნებთ ავით გავხდებოდი, მაგრამ მადლობა ღმერთს

თავი გავართვი და უბრალო ასოების ნაცვლად ჩემს წინაშე გადაიშალა.

„კოალიციონური სამინისტრო“.

ვერ წარმოიდგენთ რა სიამოვნება გამოვსცადე ამოცანის ახსნის შემდეგ და ვიჩქარი მადლობა უძღვნა რედაქციას ასეთი წერილის მოთავსებისათვის.

ლაგრენტი კუსანძე.

მოქალაქე რედაქტორო!

უმორჩილესად გთხოვთ აგვიხსნათ თქვენი მოთხრობა: „ე ი ო ი ა უ ი - ა ო ო ი ა“, რომელიც დაბეჭდილია „ემშაკის მათრახის“ მე 17 ნომერში. ყოველივე ცდა ახსნისა ამაო გამოდგა. გიგზავნით ამასთანავე მარკას.

ნ ე ს ტ ო რ ჩ ა ფ ი ძ ე

საყვარელი ბ-ნო რედაქციავ!

არ ვიცი რა სიტყვებით გამოვთქვა ის აღტაცება, რომელიც გამოიწვია ჩემში თქვენდამოწმებული ამოცანას გამოცანამ. ბევრი ფიქრი არ დამჭირებია, ერთის დახედვით უკვე დახვდებოდას განს ნამდვილ მსვლელობაში. დიდი ჰკვიერი კაცი უნდა ყოფილიყო თუ სოლომონ ორაგულიძემ მართლა მან შეიმუშავა ასეთი ძნელი მოსაზრება. გამოცანის დახსნა უნდა იყოს „კოპერატიული ასტალოვია“ დიდი მადლობის ღირსია ვინც თუ ასეთ სამუშაოს ხალხისთვის მუდამ მზათ არის.

თქვენი მოსიყვარულე ა ტ ა ტ ო ფ - ძ ი ს ა .

ჩვენ შეგვეძლო არა ერთი და ორი სხვა ასეთი ტკბილი წერილი მოგვეყვანა მკითხველთა საყურადღებოთ, თუ კი დრო ადგილი საშუალებას გვაძლევდეს. სამწუხაროდ უნდა გამოვტყდეთ, რომ 732 კაცში ამოცანა მხოლოდ ერთმა ფარნაოზ ზდიპარტლიშვილმა ახსნა და როგორც ვაგიგფ აღნიშნული პიროვნება მონათლული ყოფილა სოლომონ ზურგიელიძის მამიდაშვილის რძლის სიძის ქვისლისაგან და ვეძვობთ მას წინეთ არ სცოდნოდეს შინაარსი ამოცანისა: „ე ი ო ი ა უ ი - ა ო ო ი ა“ რომელიც ახსნება ასე:

„ტერიტორიალური ამტონომია“.

ამგვართ, ფარდა ეხდება ერთ უდიდეს საიდუმლოს ჩვენი შინაური ცხოვრებისას, სახელდობრ აშკარადდება ის, თუ რომელ პოლიტიკურ პარტიას უფრო ენათესავებოდა ჩვენი დაუფიწყარი მგოსანი.

აქვე საჭიროა ითქვას შემდეგი: არსად სოლომონ ზურგიელიძის ნაწერებში ერთი სიტყვიც არ არის ნახსენები მისი ნაციონალურ-პოლიტიკური პროგრამა. ის დაჟინებით სდუმდა ამ საკითხის შესახებ და შეიძლება ამ გარემოებამ გვაფიქრებინოს, რომ მგოსანი აღნიშნულ საკითხს სთვლიდა მეორე ხარისხოვან საკითხად, ხოლო დამუშავებული მისი აიხსნებოდა მხოლოდ და მხოლოდ სალი ტაქტიკური მოსაზრებით.

ჩემის ღრმა რწმენით შეუძლებელია სოლომონი რომელიმე ერთი პარტიის კუთვნილებათ ჩაითვალოს; ეს არ შეესაბამება პირველ ყოვლისა მის მგოსნურ ბუნებას; ესეც არ იყოს მე ვერ წარმომიდგენია ისეთი პარტია, რომელშიაც შეიძლებოდეს ასეთი ბუმბერაზის მოთავსება.

სამწუხარო და სავალალო იქნება, თუ ამამოკანის მიხედვით საბოლოოდ გადავწყვეტთ დვთაებრივი მგოსნის სოციალისტ-ფედერალისტობას, ან ნაციონალ დემოკრატობას.

ნურამც იქნება ეს!

მორიელი.

შ ა რ ა დ ა

მონახეთ ღამის ფრინველი,
(თავი რო დიდი აბია),
დღით ფულდუროში ბინადრობს,
სული მკვდარ გაუნაბია.
წარკვეცივთ ბოლო. საჭირო
მხოლოდ იმისი თავია.
(სიკვდილით დასჯას ვერ მოვსაპობთ!
მოკვდეს ვინც მოსაკლავია!)

აწ ის გვჭირია, რაც ქვეყნად
არის „უტკბესი ყოვლისა“,
უმბურვალესი მზის სხივთა
და უცივესი თოვლისა.

მოკვეთეთ თავი ამასაც,
გინდ დანით, გინა კბილებით...
(ოპერაცია ძნელია,
ვიცი მწარ გამოცდილებით).
რაც ღარჩა, დაე იქ ღარჩეს
შარადისათვის ურგები

და ჩვენ ვიპოვოთ ცხოველი,
ვის ჯავშნის ედგას ზურგები.
ის ჩვენს შარადებს ხშირ-ხშირათ
უწვეს სამსახურს დიადსა.
ახლაც თავი გვსურს იმისი,
ბოლო, სამარის წყვილიადსა.

ერთობ პატარა მწერია
მქსოველი ბადის წმინდისა.
ვინც შიგ გააბა, მათ სისხლის
წუწნაც არ დაინდისა.
ვინ გავვითყუნებს, სისხლის მსმელს
თავი მოვკვეთოთ ხელათა,
თუ კი ივარგებს ამ ტურფა
შარადის ასაშენათა?

და აი ოთხი თავისგან
ერთი აშენდა სახელი.
ღმერთო გამხადე მე მისი
კვალად ახლორე მნახველი.

ქაქია.

მეიმი ღარლი

(რკინის გზის მთავარ სახელმწიფოს ზოგიერთა ბრავადირებს).

ამდენი დარღვით ღამის ლაყე საზამთროსეფე გავსკდე. დღემდის გამოვიქიმებოდი ტაბარტკაზე და ერთს რო დავიყოვლებდი მთელი მუშები სმირნაზე დგებოდენ! პრიბავკის თვე რო მოაწვედა, დალიარული ღვინით, იმერული ხაჭაპურებით, მეგრული სულგუნით, გურული არაყით, ოსური ერბოთი და ქართული ნახუქით სახლს მივსებდენ, რა არი „პადიონი“ ჯამაგირზე ერთი დაყევილი შაური მიმემატებინა! სახლში ჩასაყლაპი რო გამომეღეოდა, რომელიმე მუშას ავლაბრულათ შაუკურთხებდი და საღამოს, წითელი ნუნუათი გაუღენთილი გეოს ყოჩივით უჭახუნებდით ერთი მეორეს თავებს!

დღეს კი ვგდივარ მასუთიანი პაკლიასავით და მწუხარეთ ჩამიქინდრავს თავი. ჩემი გამარჯობა ყველას ზაპხრუმანათ ეყურება. ერთი „ამხნავოს“ დამიძახებდენ და ჩემი სიყმე გაჰქრეს თუ ხელადა ღვინო, თავის წვანილებით არ ვიყილა... მაგრამ... მე... რას ვსულელობ მე რდაურის თავი?! აზხანავს დამიძახებენ კი არა ქეციანი ძაღლივით ახლოს არ მეკარებინან. ჩემი საქმე ქანდრაკულათაა, ადხათ იმასაც გაიგებენ, რომ კვირეში ორმოც კაცს „ახრანი ადელენებში“ ყირამალა ვახატენებდი და მაშინვე მორჩა ჩემი სიცოცხლე, ან მეტეხის ციხის ბაღლანჯოვების ყაურმათ გამხდინან, ან ნავალავინსკი პროსპექტზე ჩამომახრჩობენ.

ძამია.

ავტოკეფალია.

სცენა ერთ მოქმედებათ.

მოქმედნი პირნი:

ზოსიმე	—	—	მღვდელი.
მარიამი	—	—	უკანონო ფოფოლია.
იოსები	—	—	ზოსიმეს დიაკონი.
ვასო სოციალდემოკრატი			ზოსიმეს ძმისწულები
შაქრო ფედერალისტი			

I

ზოსიმე და მარიამი.

(აღდგომა დღეა. მამა ზოსიმე მრევლიდან დაბრუნებული უზის გაშლილ მაგიდას და სტკებუა პასკეებით, ცხვრის ბეჭკანჭებით და აუარებელი სანოვავით, რომელიც საკურთხათ მოართვეს. გადაჰხედავს მარიამს და სახე გაბრწყინებული წამოვარდება.)

ზოსიმე. აბა პროშტი, მარიამ, პროშტი! (მოეხვევა).

მარიამი (მორცხვად). მღვდელი, რომ გადაგრა? არავენ დაგვინახოს, სირცხვილია!

ზოსიმე (გაკვირვებით). ბიქოს! მამ „ქრისტე აღსდგა“ არ გითხრა?

მარიამი. კაცო. აკი ორჯერ მომილოცე, მეტი რაღა გინდა?

ზოსიმე. ღმერთს სამება უყვარს, მარიამ, სამება (ჰკოცნის). უჰ, შენ გენაცვალოს სამებაც და

სვეტიცხოველიც (კიდევ ჰკოცნის). ნამდვილი ღვთის მშობელი ხარ მე და ჩემმა ღმერთმა!

მარიამი (გაოცებული). უიმე, უიმე! ნუ სკოდებ ღმერთს, ღვდელი! მე რა ღვთის მშობელთან შესადარებელი ვარ!

ზოსიმე. ბიქოს! არა, ღვთისმშობელი რითა გჯობიან შენ?

მარიამი. უიმე, უიმე, ღვდელი, რას ამბობ?! როგორ თუ რითი მჯობია! მე ცოდვილი, შენთან უკანონოდ შეუღლებული და წმინდა ქალწული მარიამი ერთი ვართ!

ზოსიმე. ქალწული, ღმერთი უშველი იმას! როგორც შენ ხარ ჩემი უკანონო ცოლი, ისე ის იყო იოსების.

მარიამი. უიმე, უიმე, ეს რა მესმის! ნამდვილად შეიშალე, ღვდელი!

ზოსიმე. არც შეგშლიდვარ და არც გადავრეულვარ. მე ეხლა კარგათ ვიცი ყველაფერი, თავისუფლება რომ გამოცხადდა, ეგ ამბავი გაზეთში ეწერა.

მარიამი. უი, ღმერთო, მომკალი! როგორ გირყენა და ვასასაცილოვდა ხალხი! (ახლო მივა და ყურში ეუბნება ზოსიმეს) ამ ხალხმა ისე აიშვა თავი და ყველაფერს სწერენ, რომ მეც შემეშინდა.

ზოსიმე. დიდება შენს სახელს უფალო! სწაბრონ, შენ რა გენაღვლება?

მარიამი. როგორ თუ რა მენაღვლება! რომ დასწერონ საჯაროდ, რომ მე შენი ხასა ვარ, რაღა მეშველება! ღმერთო ჩემო! (ტირის) იცოდე, ზოსიმე, რომ თავს მოვიკლავ.

ზოსიმე (იციინის). ხა, ხა, ხა, ხა! არა, შე სულელი, მაგას ეინ დასწერს! განა შენ არ იცი, რომ ეხლა ავტოკეფალია არის და მთელი ქვეყანა მღვდლებისაა! ეხლა ქვირე მღვდლებსაც ნება აქვთ ჯვრის წერის. ერთი კი არა, სამი რომ მოიყვანოს, მინც არავინ დაუშლის. სრული თავისუფლებაა სამღვდლოების, გესმის! (იციინის) ხა, ხა, ხა, ხა! არა, შე გიჟო, რისა გეშინიან! (ლოყაზე ხელს აუსვამს).

მარიამი. თუ ღმერთი გწამს, მართალი მითხარ, ღვდელი.

ზოსიმე. მართალია, შენ არ მოუკვდე ჩემ თავს.

მარიამი (სიხარულით კისერზე შეახტება) ღმერთო ჩემო! ნუ თუ მე შენი კანონიერი ცოლი, შევიქნები! ნუ თუ მაგ ავტოკეფალიას ასეთი ძალა აქვს!

ზოსიმე. აქვს და ვერე! ავტოკეფალიას ისეთი ძალა აქვს სამღვდლოებისთვის, რომ ყველას მანთაშოვებათ გადააქცევს. აქამდის ღვთით ყველაფერი საძღომათა გვექონდა. ეხლა ავტოკეფალიის ძალით საძღოლი კი არა, სულ სახეთქი გვექნება ყველაფერი.

რამდენიც უნდა სჭამო, მაინც ვერ გამოლევ. (აიღებს გაზეთს და სიხარულით კითხულობს. სახე გაუბრწყინდება. სადაც სიტყვა ავტოკეფალიას მოიკითხავს, იქ ჩახველებს და იცინის). ხა, ხა, ხა, ხა! ავტოკეფალია, მარიამ, გესმის, ავტოკეფალია! (გაზეთს დასდებს და მარიამს მოეხვევა) მთელი ეკლესიების შემოსავალი ჩენია, გესმის, ჩენი!

მარიაშ. ზოსიმე, რა არის ეგ ავტოკეფალია! კიფალი მე თევი გამიგონია.

ზოსიმე. ავტოკეფალია არის, ჩემო მარიამ ისა, რომ რაც საქართველოში ეკლესია-მონასტრების ადგილია, სულ მღვდლებისა და რა გასაკვირველია შიგ კიფალია თუ ზუთხი სუყველა ჩენია. გესმის, მარიამ, სულ ჩენია, ადამიანო, ჩენი! (სიხარულით აღტაცებული სტაცებს ხელს მარიამს, აიყვანს ხელში და ატრიალებს).

ჩენია, ჩენია,
მარიამი ჩემია,
ვენაცვალე ჩემ გოგოს,
ჩემია და ჩემია!

მარიაშ. მოიცა, ღვდელი, რამ გადაგრაი!

ზოსიმე (ატრიალებს).

დავამტვრიეთ მონობის
ჯაჭუნიანი გალია
და მივიღეთ, მაროჯან,
ჩვენ ავტოკეფალია!

მარიაშ. კარგი, კაცო, კარგი, არ წამაქციო!

ზოსიმე. ფულებში ვაცურავენ,
გაკიდებთ თვლია,
ოხ რა კარგი ყოფილა
ეს ავტოკეფალია!

მარიაშ. გამიშვი მღვდელი, ნუ დამამტვრიე!

ზოსიმე. ჩენია თართი დოში,
ზუთხი და კიფალია,
დალოცოს ზეციერმა
ეს ავტოკეფალია! (ზევით ისვრის მარიამს). ურა, ურა! გაუმარჯოს ავტოკეფალიას! (ამ დროს შემოდის დიაკვანი, მარიამი მეროვ ოთახში გაეარდება).

II.

იგინიჟე და იოსებო.

იოსებო (მოხუცებული კაცია. ძლივს ლა ჩიფჩიფებს უკბილობის ვაშო. რა დანახავს ზოსიმეს ციბრუტივით ტრიალს, გაჰკვირდება). იმე! ეს რა ამბავია. ღვდელი, რავე კვინტრიშებ?

ზოსიმე (სიხარულით). ჩენია, იოსებ ქვეყანა, ჩენი, გესმის?

ზოსიმე (სიხარულით) ჩენია, იოსებ ქვეყანა, ჩენი, გესმის?

იოსებო. იმე! გამაგებზე, შე დალოცვილო, რა შია საქმე?

ზოსიმე. რა შია და ამ ავტოკეფალიას ნუ ეხუმრები შენ, ჩემო ბიძია. პირდაპირ სამოთხეში შევევლით მთელი სასულიერო წოდება.

იოსებო. იმე, მითხარი შე კურთხეულის შევილო, თვარა ამევიდა სული. გამაგებზე რა შია საქმე?

ზოსიმე. რა შია, ჩემო იოსებ, და რაც საქართველოში ეკლესიების და მონასტრების მამულ დედული და შემოსავალია, ყველა ჩენია.

იოსებო. იი! რავე, ჩვენ ორის, მამაო?!

ზოსიმე (გაღიხარხარებს). ხა, ხა, ხა, ხა! არა, შე ბრიყვო, ჩვენ ორის კი არა, მთელი საქართველოს მღვდელ-დიაკვნებისა.

იოსებო. იი! მაგდენი კია ვითამ!

ზოსიმე. კაცო, შე შტერო, მარტო ამ ას წელიწადში რუსებს რაც ჩენი ეკლესიის ქონება წაუღიათ, ასი მილიონი იქნება.

იოსებო (გაკვირვებული). იი!

ზოსიმე. იანგარიშე ეხლა იმისი პრაცენტი. ახლა ახალი შემოსავალი კიდევ სხვა იქნება...

იოსებო (გაოცებული). იი!

ზოსიმე. ერთი სიტყვით, ჩემო იოსებ, ქერის ორმოში ჩავარდით რაღა! დაჯექი, და იქეიფე.

იოსებო. იმე, სად იყო აქამდინ ეს დალოცვილი კიფალია, თუ ამისთანა ძალა ქონდა! არა, როცა კენჭით კბილები მქონდა, ლოზიომ გადამაღლიტა ღრძილები და ახლა ჩემ კბილებს ქაჩალ ნიკამიმოს პრიჩეტნიკის ბანალივით თუ მონახავ აგერ-იგერ, თვარა სალა მაქვს კბილები! აი დედასა, საქმელი ღმერთმა მომანიჭა და ჭამის შნო კი წამართვა!

ზოსიმე. ბევრი რამ მოგვანიჭა, იოსებ, ავტოკეფალიამ. ავტოკეფალიის ძალით ქვრივ მღვდლებს შეგვიძლიან რამდენი ცოლიც გვინდა შევირთათ, გესმის! კანონიერად, რასაკვირველია


იოსებო (სიცილით). აბა გშველებია, ღვდელი. კაი მაკარიჩი გეკუთვნის ახლა შენ. (შემოდის მარიამი).

III.

იგინიჟე და მარიაშ.

იოსებო (მარიამს). მომილოცავს მამა ზოსიმესთან კანონიერი შეფულება. ღმერთმა ერთმანეთს შევაბეროთ (სიცილით). აი კიფალია. თუ ღორჯო ნამდვილ თქვენთვის ყოფილა.

დროებითი მთავრობის ბარტყები.



— მთელი ჩვენი სიცოცხლე ამხსე ვოცნებობდით და ნუ თუ
ეს ვოჟილა მინისტრობა?

კიოვ კახეთი


ვიცი, არა ერთი და ორი საყვედური ითქმის შესახებ ჩემი მოგზაურობისა, ვიცი კვლავ შემწამებენ გადაჭარბებულ სიყვარულს ისედაც საყვარელი კახეთისას, ისიც ვიცი, რომ ძველი მთავრობის მოხელენი ამ ფაქტს ხელზე დაიხვევენ, ჩვენს წინააღმდეგ კონტრ-რევოლიუციონურ აგიტაციის გასაღვივებლათ, მაგრამ მიუხედავად ყოველივე ამისა მ. მაისს, დილის 9 საათზე (დებუტატი აკაკი ჩხენკელის თანხლებით) გავემგზავრე კახეთისაკენ.

გარდა იმისა, რომ მე კახეთი მიყვარს, ჩემს მოგზაურობას პოლიტიკურ-იუმორისტული და ასე ვსთქვათ სურსათ სანოვაგური სარჩულიც ელო.

ვის არ მოეხსენება, რომ ის წითელი სითხე, რომელსაც ძველი მთავრობის დროს „ღვინოს“ ვეძახდით, დღეს „წოდებული, მხოლოდ (?) აფთიაქებში იშოვება და მის შესაძენათ 27 მოწმობაა საჭირო. ქართველი კაცისთვის და მით უმეტეს კახეთის მოყვარულ ქართველისათვის ერთობ ძნელია უამ ლალისფერ სითხეოდ გაძღება და ერთი მიზეზთაგანი ჩემი მგზავრობისა ესეც იყო.

სამგზავრო დღეც, ეტლიცა და გზაც საუცხოვო იყო. ელვის სისწრაფით განველეთ ალექსეევკა, პეტერსდორფი, მარიენფელდი, ფრეიდენტალი, მალხაზოვკა და მივედით „კახეთის სატახტო ქალაქ“*) სიღნაღში. ხალხი ყველგან ალტაცებით გვხვდებოდა. ქალაქის მოედანზე „თავისუფლების მოედნის“ დასწვრივ, იქ, სადაც თავს იყრიან კერენსკის, ჩხეიძის და ჩხენკელის ქუჩები, გაიმართა მიტინგი.

მიტინგი გახსნა სიღნაღის მუშათა დებუტატების საბჭოს თავმჯდომარემ ამხ. იოსებ კრაწაშვილ-



მა. მან განუმარტა ხალხს საპატრიო სტუმრების მნიშვნელობა და იხმარა ერთგვარი მიკერძოება, ვინაიდან ახსენებდა მხოლოდ და მხოლოდ აკაკი ჩხენკელს.

მიტინგზე ამაღელვებელი სიტყვა წარმოსთქვა ჩვენმა საყვარელმა მგოსანმა სან. შანშიაშვილმა, რომელიც სხვათა შორის განაცხადა:


— მოგესალმები ძვირფასო სტუმარო ქიზიყის გლეხკაცობის სახელით, რომელიც იმყოფება ნაციონალ-დემოკრატიული პარტიის ქვეშ—ო.

ილაპარაკა აგრეთვე სოციალ-ფედერალისტთა პარტიის წარმომადგენელმა:

— ავანგარდი რევოლიუციისა, სოციალისტ-ფედერალისტთა პარტია, მოგესალმება თქვენ პატივცემულო აკაკი და სხვ.

პატივცემულმა კოტე ტყავაძემ მოკლე სიტყვა წარმოსთქვა მომენტის შესახებ (ვინაიდან სადილის მომენტი მოახლოვებული იყო) და უსურვა (იმანაც აკაკი ჩხენკელს) ხანგრძლივი სიცოცხლე და დღეგრძელობა.

*) საჭიროა განუმარტოთ, რომ ასეთი ტიტული ქალაქ სიღნაღს ცნობადმა საზოგადო მოღვაწემ კოტე ტყავაძემ მიაკუთვან. ამბობენ აგრეთვე იმასაც, თითქმის ერთხელ თელავში თამადაბის დროს კოტე ტყავაძეს ეთქვან: „უსვამ სადღეგრძელს კახეთის სატახტო ქალაქის თელავისსა“. მაგრამ ეს მხოლოდ ხმებია.



შემდგომად პატივცემული კოტე ტყავაძე ერთხმად არჩეულ იქნა სუფრის უფროსად, ანუ თამადათ.

კრებას მიესალამა აკაკი ჩხენკელიც. ხალხი, განურჩევლად სქესისა და ეროვნებისა განსაკუთრებული გულისყურით უსმენდა მის სიტყვებს და აშკარა სიამოვნებას განიცდიდა.

მხიარული მიტინგი დასრულდა. და თითქო ზეცამაც პირი შეიკრა. აშკარა იყო პატივცემული ილია რადაც საკონტრ-რევოლიუცია ზრახვას განივლებდა გულში. ნუკრიანის მხრით აშკარათ ამოიშარია ტყვიისფერ და დაფლეთილ ღრუბელთა მთა. გამოცდილი თვალი მასში უთუოდ სეტყვის მოციქულს იცნობდა.

ჩამობნვლდა.

კონტრ-რევოლიუცია დაიწყო.

სეტყვამ მირეგე-მორეგვა ქალაქის არე მარე და მრისხანე ქექა ქუხილით დაეშვა ალაზნის ველისაკენ.

ამ ხანებში მუშათა და ჯარისკაცთა დებუტატების საბჭოში კერძო თათბირიც დამთავრდა. დეპუტატი აკაკი ჩხენკელი კვლავ მორიგ კრებისაკენ გაემართა. მხოლოდ შე სამაზრო სამხედრო საკრებულოსაკენ, სადაც მივიღე სიღნაღის ინტელიგენტ ქალთა დებუტაცია. ერთმა მათგანმა შესაფერი სიტყვიუ მომმართა და მთხოვა აკაკი ჩხენკელისათვის გადამეცა მშვენიერი ვარდთა თაიგული, რაიც შე უდიდესის სიამოვნებით ვიკისრე.




საკითხი აღიძრა სიღნაღის ქალთა სასწავლებლის შესახებ. აღნიშნული (ბრეშკო ბრეშკოვსკაიას ქალის) სასწავლებელი უკვე მიმზრობია რუსეთის დიდ რევოლიუციას, რასაც აშკარათ ამტკიცებს მისი სახელწოდება.

სალამო ხანს პატივცემულმა აკაკი ჩხენკელმა ინახულა ადგილობრივი სატუსაღო. ყველა ტუსაღი ასე თუ ისე თანაუგრძნობს ამ დიდ რევოლიუციას და მომზრევა ციხიდან გამოსვლისა. განსაკუთრებულის გატაცებითა და მჭერმეტყველური სიტყვით შეფეგება საპატიო სტუმარს ერთი ტყვე-მოდღართავანი.



სილაპოთი, ქალაქის თავის ინიციატივით, ქალაქისავე საკრებულოში გაიმართა ვახუშტი, რომელ-

ზედაც მრავალი ღირს-შესანიშნავი სიტყვები წარმოითქვა.



4 მაისს დილით ჩვენ გამოვეთხოვეთ ძვირფას სოფელ ანაგამდე ჩვენ მიგვაცილა ამხ. მიხ. ქარსიღნაღს და გავემართეთ ქალაქ თელავისაკენ. ცივადმე.

(დასასრული იქნება)

ეშმაკი.

მარაში (ლიმილით). გმადლობთ, ჩემო იოსებ, გმადლობთ.

იოსები. იი, ძალიან ძალა კი ქონებია ამ კიფალიას! აი დედასა რავალ დროს დაგებრდი! ღმერთმა სათოხლაფი მომცა და ჭამის შნო კი აღარა მაქვს!

მარაში (სიცილით). ნუ გეშინიან, იოსებ, ზოგს დაღეჭავ, ზოგს დაუღეჭავს გადაყლაპავ და იოლათ წახვალ. აქ მაინც არაფერს დაარჩენ.

იოსები. ჩოუყლაპავს კი რას გოუშვებ, მარა მადიანი არ იქნება, ფოფოლია, მადიანი.

მარაში. აბა, მობრძანდით სტოლოზედ მიირთვიეთ რამე. (ზოსიმე და იოსები დასხდებიან, შემდეგ მარაში).

ზოსიმე (აიღებს ჭიქას). ეს ღმერთმა გაუმარ-

ჯოს ჩვენ ფედერალისტებს, რომ იშრომეს, იმუშავეს, ივაგლახეს, იყაყანეს, იჩხუბეს, იომეს ჩვენი საწყალი სასულიერო წოდებისთვის და ეს აუარებელი ქონება მზამზარეულათ ბლუდით დაგვიდგეს წინ. გაუმარჯოს ფედერალისტებს!

იოსები. გაუმარჯოს!

ზოსიმე. გაუმარჯოს მათ საქმეს?

იოსები. გაუმარჯოს!

ზოსიმე. „ქრისტე აღსდგა!“

იოსები. „ქეშმარიტად!“

მარაში. „ქეშმარიტად!“

ზოსიმე. მოდი სოციალდემოკრატიებსაც გაუმარჯოს, რომ ავტოკეფალიის საქმეში არ ჩაერივნენ და საქმე არ გაგვიფუჭეს. მათაც ღმერთმა თავისი სიმართლით უშველოს.

იოსებო. ამინ, მაგრამ ერთი ეს მითხარი: ეს ამოტოლა ქონება რომ ხელში ჩაგვივარდა, ჯამაგირიც გვექნება, საკურთხიც, ღრამაც და ყველაფერიც?

ზოსიმე. სულ, სულ, სულყველაფერი უკლებლივ მოგვეცემა. შენ ხუმრობა არ გეგონოს ეს ავტოკეფალია.

იოსებო (აიღებს ქიქას). მაშ გოუმარჯოს ამ კიფალიას!

ზოსიმე. გაუმარჯოს, გაუმარჯოს! (სვამს)

იოსებო (შეღვინიანებული) მაშ ამოტოლა შემოსავალი თანასწორათ გეიყოფა, მამაო არა?

ზოსიმე (იციინს). ხა, ხა, ხა, ხა! აი ბრიყვი! არა, მაღა ძალიანა გქონებია! არა, მე და შენ ერთნი ვართ, რომ თანასწორი წილი ავიღოთ?

იოსებო. იმე, რატომ ღვდელი! რაფა, მე შენზე ნაკლებ ვემსახურები ღმერთს თუ?! ამ დიდმარხვაში ამდენი კითხვითა და ქაქანით დობრბლები რომ მაყრევიანე ლაფშებიდან, რაფა იგი არაფერია! აპა მე ვირი ვყოფილვარ!

ზოსიმე. ვირი ხარ თუ ჯორი, ჩემი თანასწორი მაინც არ ხარ, გესმის!

იოსებო. ღვდელიო. ნუ ინებებ, თვარა არაა კარგი. თუ ერთობაა და თანასწორობა, იყოს, თუ არა და ისტველე ძველებურათ დარჩეს. (შემოდის ვასო).

IV.

ივინიფე და ვასო.

ვასო. ოო, მამა ზოსიმეს ვახლავარ! რასა იქთ და როგორა ბრძანდებით?

ზოსიმე (იოსებით ნაწყენია და უკმეხათ შეხედება ვასოს). როგორა ბძანდები კი არა, აღდგომა დღეს და ქრისტე აღსდგა! უნდა სიქვა.

ვასო. თქვენ ხომ იცით რომ აღსდგა და ჩემი თქმა რალა საქირაა!

ზოსიმე. ოხ, ეს სოციალდემოკრატიები! (ვასო იციინს).

მარამი. ვასო, ვასო, დაჯექი, ერთი მოვილხინოთ, რა დროს დღეობაა!

ვასო (ჯდება) მამაო ზოსიმე, თქვენ რალა ცვაჯავრება გეტყობათ, რაშია სიქვე?

ზოსიმე (იოსებზე აჩვენებს). შენ წარმოიდგინე ჩემთან ერთად თანასწორ წილსა თხოულობს!

იოსებო. აპა რაფა, თუ ერთობაა, ერთობა იყოს.

ვასო. როგორ თუ წილს, რა წილს?

ზოსიმე. მე გეტყვი რაშია სიქვე. შენ კარგათ იცი, რომ ავტოკეფალიის ძალით ყველა ძველათ რუსების მიერ წაღებული საეკლესიო ფული და აწინდელი შემოსავალიც მღვდელ-ღიაკვნებმა უნდა გაიყონ და წარმოიდგინე ეს ბრიყვი თანასწორ წილსა მთხოვს!

ვასო. (აქამდის ჩუმით იციინოდა და ეხლა კი ველარ მოითქმენს და გადხარხარებს) ხა, ხა, ხა, ხა! რაო, რაო! რაწილებთ კიდეს! ხა, ხა, ხა! ვაი, თქვენი ბრალი!

ზოსიმე. (გაჯავრებული) რას იკრიქები, რა იყო!

ვასო. ხა, ხა, ხა! არა, ეს სააღდგომო საკურთხი ხომ არა გგონიათ, რომ ინაწილებთ!

მარამი. ვასო, რას იციანი, სირცხვილ ა!

ვასო. ხა, ხა, ხა! მამაო, ბექი არ დაგეკარგოთ, ბექი!

ზოსიმე. ნუ იკრიქები მეთქი, შე საძაგელიო, შენა!

ვასო. ხა, ხა, ხა! როგორ არ გავიცინო, ადამიანო! მღვდლებმა რომ ავტოკეფალიის მნიშვნელობა იცოდნენ, ნამდვილათ თავებს მოიწამლავდნენ. მაღლობა ღმერთს, რომ არ იციან, თორემ გაგვიძვირდებოდა: ნიშადური, კარბოლის სიმეყვე და სულემა.

იოსებო. (გაოცებული) რაშია, ყმაწვილო, სიქვე, გამაგებინე?

ვასო. რაშია, ჩემო ბიძია და ავტოკეფალიის დროს ყველა მღვდელ დიაკვანთ მთავრობიდან ჯამაგირი ესპობათ. ის შემოსავალი კი, რომელიც ეკლესიებს და მონასტრებსა აქვთ, ეძლევა საზოგადოთ ხალხს.

ზოსიმე. (გაბრაზებული) სტყუი! მაშ რამ უნდა შავგინახოს ჩვენ?

ვასო. თქვენ უნდა გამონახოთ, ბიძია, მართლმორწმუნე ხალხი და იმათ დაექირაოთ, თორემ სიმშლით მოკვდებით.

მარამი. ვასო, ეგ როგორ შეიძლება!

იოსებო. იმე! ასტე რაფა იქნება!

ვასო. ისე იქნება, რომ მზე მალლა იყოს.

ზოსიმე. ეგ სოციალდემოკრატიების ოინებია, მაგრამ ვერა, ვერ მოგართვი ბადრიჯანი! არ გინდოდათ, მაგრამ თქვენი სურვილის წინააღმდეგ ჩვენ უკვე მოვიპოვეთ ავტოკეფალია.

ვასო. (ღიმილით) სოციალდემოკრატი კი არა, ყველა წმინდა წყლის ფედერალისტიც ამას გეტყვის, რასაც მე ვამბობ.

ზოსიმე. (ყოფებსა ჰყრის სიბრაზით) სტყუი! ჩვენს პროგრამაში მასე არა სწერია. მე თითონ ფედერალისტი ვახლავარ და ვერ მამატყუებ. მე ყველაფერი ვიცი.

იოსებო. არა, ყმაწვილო, მასტე რაფა შეიძლება! (შემოდის შაქრო).

V.

ივინიფე და შაქრო.

ზოსიმე. (შემოსვლისთანავე სტყებს ხელს

შაქროს და ვასოსთან მიათრევს) Скажи ему, ради Бога, что значить автокефалия. (ვასოს) ჩემი თუ არა გჯერა, შენ მძას შეეკითხე და ავიხსნის. ვასო. შენ აახსნეფინე, ბიძია, ჩემთვის საქროს არ არის.

შაქრო. Въ чемъ дѣло, дядя, რას მიმათრევ! მოიცა, надо же поздравить. (მარიაშს) მარიაშს ვახლავარ, „ქრისტე აღსდგა!“

მარიაშ. „ქეშმარიტად!“

ზოსიმე. რა დროს ქრისტე აღსდგაა, გულზე ცეცხლი შეკიდება. ერთი გამაგებინე რაშია საქმე, თორემ არ ვიცი რას ვიზამ.

შაქრო. (გაოცებული) რას მკითხავთ, არ ვიცი! Въ чемъ дѣло, дядя?

ზოსიმე. შენ მითხარი ავტოკეფალიის დროს ჩვენ სამღვდლოებებს ჯამაგირები გვექნება მთავრობიდან თუ არა? (ვასოზე აჩვენებს) მე მაგ სათოკეებისა არაფერი არა მჭამს. შენ ისე, ჩვენებურად—ფედერალისტურად მითხარი. შენ რასაც მეტყვი მე ყველაფერი მჯერა.

შაქრო.—ღიბ ჩვენი პროგრამაც ამას მოითხოვს, რომ ავტოკეფალიის დროს სამღვდლოებებს ჯამაგირი არ მივცეთ.

ზოსიმე (ყვირილით). Врешь?

იოსებო. ვაიმე, თავო დადუბულო, ვაიმე სულო წაქცემენდილო! (ვასო იღიშება).

ზოსიმე (შაქროს). ხად სწერია მერე ასე?

შაქრო. ჩვენს პროგრამაში, ბიძია. აღბათ თქვენ არ გინახავთ.

ზოსიმე (ძალიან გაჯაგრებული). მიჰქარავ! ტყუილია!

მარიაშ. ღმერთო მომკალი, რალამ უნდა გვარჩინოს!

შაქრო. დამიჯერე, დიადია, მართალს მოგახსენებთ.

ზოსიმე. მიჰქარავ მეთქი!

ვასო. ასეა, ასე, ბიძია ზოსიმე.

ზოსიმე (ვასოს) Молчать! შენა არავინ არ გკითხავს შე საციმბირეგ, შენა! სოციალდემოკრატებისაგან როდის გამოსულა ხეირი, რომ ეხლა გამოვიდეს. (შაქროს) კარგი, ეს მითხარი შენ, ეკლესიის და მონასტრების შემოსავალი ხომ ჩვენი იქნება! ისე, ფედერალისტურათ მითხარი.

შაქრო. ბიძია, თქვენი კი არა მთელი ხალხისა ჩქნება.

ზოსიმე (დაუყვირებს). Не правда!

იოსებო. ვაიმე, სულო, წაქცემენდილო! სად გადავარდნილივართ, სად(ზოსიმე გაბრაზებული დადის).

ვასო. ეგრეა, ეგრე დამიჯერე.

ზოსიმე. Молчи, я тебѣ говорю! მე შენი არაფერი არ მჭამს. (ვაივლ-ვაიოვილის) არა უშავს

რა. რაც ამ ასი წლის განმავლობაში რუსებმა ჩვენი ეკლესიის შემოსავალი წაიღეს, ის ხომ დაგვიბრუნდება. მისი შემოსავალიც გვეყოფა.

ვასო. (გაეცინება) ფხ...

ზოსიმე. (მივარდება ვასოს) ნუ იკრიჭები მეთქი!

შაქრო. იმას არავინ დაგიბრუნებთ; დიადია, ტყუილი იყილია.

ზოსიმე. ვასო ჩემი დამეკარგე აქედან! არც შენა ხარ წმინდა წყლის. სირცხვილი შენთვის, რომ შენც მე მომატყუილე. ემაგას იძახდი რომ ფედერალისტების პარტია კარგია! მოგვატყუილეთ, ჩაგვიტორიეთ და წყალში გადაგვყარეთ?!

იოსებო. ვაიმე, სულო წაქცემენდილო!

ზოსიმე. ღმერთო ჩემო, რა ვქნა, საით გადავარდე, რა წყალში ჩავვარდე!

მარიაშ. მაშ რამ უნდა გვარჩინოს, ხალხნო!

ვასო. ხა, ხა, ხა, ხა! აი ეგეც თქვენი ფედერალისტი.

ზოსიმე. ნუ იღრიჯები მეთქი, შე დურაქო, შენა! ღმერთო, ეს რა ამბავია ჩემ თავს! მაშ რამ უნდა შეგვიჩხოს, ხალხნო!

შაქრო. დიადია, ეკლესიის საქმე თავისუფალია. თუ მონახავ მართლმორწმუნეებს და დაგიქირავებენ, შენც ემსახურე, თუ არა და თოხს უნდა მოკიდო ხელი!

ზოსიმე. Врешь, ты балванъ! თოხი, მამა გიცხონდება სულ მაგ ქკვაზე დავლივარ.

იოსებო. ვაიმე, სულო წაქცემენდილო, რაფა ჩვეი შვილიშვიტ კანქები!

ვასო. აფსუს, რა ბეჭები და ცხვრის კანქები დამეკარგათ.

ზოსიმე. შენ გაჩუმიდი, მე გელაპარაკევი. მე შენი სასაცილო არასოდეს არ გავხდები. სხვისათუარ მექნება, ჩემ საკუთარ ცხვარს დავკლავ, ჩემ საკუთარ ცხვარს დავკლავ, ჩემ საკუთარ კანქებსა ვქამ, იმას ხომ არავინ დამიშლის. (შაქროს) არა, რატომ არ მითხარი, შე რაზბონიკო, საქმის ნამდვილი ვითარება! არა, რისთვის ვიმტვრევედი თავს ამ ავტოკეფალიისთვის! (ვასო და შაქრო ჩუმათ იცინიან, ზოსიმე თავში წაიშენს)

უბედურ დღეს ამისთანას არ მოგსწრივარ ჩემს დღეშია, შე ოხერო, ჩემო თავო, ვერ გაჩერდი შენ ქერქშია! იოსებო. ვაიმე, სულო წაქცემენდილო! ვასო. ნახვამდის, ბიძია! ასეა საქმე და რას იზამ. (გადის)

შაქრო. ბედს უნდა დამეორჩილო, დიადია. ზოსიმე. ვასო, დამეკარგე აქედან, შე ავაზაკო, შენა! ჩემ სახლში ფეხი აღარ დაადგა.

შაქრო. ნახვამდის მარიამ, ნახვამდის დიადია.
(გადის)

იოსები. ვაიმე სულო წაჰყმენდილო!

მარიაში. წყლან რომ ღმერთსა სკოდე და სოქეი,
მარიამს ქმარი ჰყენადო, იმისი ბრალია, ღმერთმა
გიკანონა.

ზოსიმე. (მივარდება მარიამს) ხმა გაიქრე, თო-
ქა მოვიდა სისხლი, (მარიამი დაიხვს უკან).

იოსები. ჯამაგირი მაინც არ დამეკარგა მე უბე-
დურს. რავა, მამაო, აშენებას მპირდებოდი და ჩემი
საკუთარი რაცა მქონდა, ისიც გამომგლიჯე და
სხვას მიეცი! არა ეს ჯამაგირი რაღაზე დამიკარგე!
შე მამაცხონებულო, ჰყოფილიყავ შენთვის, არ გერ-
ჩინა? კაცს ყოველ დღე დოში და ზურგიელი
მოგდიოდა და მაინც და მაინც კიფალს გაეკიდე!

ზოსიმე. (ამ ლაპარაკის დროს გარინდებული
დგას, ბოლმა მოაწვევა, სისხლი თავში აუვარდე-
ბა და წაბარბაცდება) მი...შ...გ...ე...ლე . თ...

მარიაში. (იკვილებს) ვაიმე, ღვდელი, ღვდელი,
არ დალუბო შენი მარიამი.

იოსები. (მივარდება) ზოსიმე, მამაო! შეიბრუნე
გული. ვაიმე სულო, წაჰყმენდილო, ეს რა ამბავია
ჩვენს თავს!

მარიაში. ღვდელი, ღვდელი შემიბრაღე, გონს
მოღი.

ზოსიმე. (ლულულებს) მარიამ, ნუ გეშინიან,
არ მოგკვდები. (მოსულიერდება თანდათან) არა,
როგორ მოგტყუილდი! მე რე მე მღვდლებში შეგ-
ნებულ კაცად ვითვლებოდი. სხვები მე მიჯერებდ-
ნენ, ვაი, რა დავლუბე ჩემი თავიც და ამოტოლა
სამღვდელოებაც! (დიდხანს გაშტერებული სდგას,
შემდეგ მოსტკვამს ვაი ვუის ხმაზე. მასა ჰყვებიან:
მარიამი და იოსები).

ზოსიმე. ფედერალისტებო,
თქვენ მომტყუებთ ძვალი,
შემარცხვინეთ კაცი,
დამიყენეთ თვალი!
ვაი, ვაი, ვაი!

დაეკარგე ქონება,
ეს რა მამივიდა,
ცხვრის ბეჭი-კანქები
გაჰქრა, წამივიდა!
ვაი, ვაი, ვაი!

მარიაში. ჩენი შრო, ამაგი,
არვინ დააფასა,
ვაი, მე საწყალი,
დავრჩი ისევე ხასა!
ვაი, ვაი, ვაი!

იოსები. დავილუბეთ, ღვდელი,
გაჰქრა ჯამაგირი,
სად გამოგინდეთ აწი
სად გამოგყთ ცხვირი!
ვაი, ვაი, ვაი!

ზოსიმე. ზუთხი ხელში მქონდა,
დოში, სათალია,
რათ მინდოდა, რათა,
მე ეს კიფალია!
ვაი, ვაი, ვაი!

იოსები. მე ვინ შემინახავს,
სად არს რწმენის ერი,
კბილები ჩამეშტვრა,
არ მაქვს ერთი ღერი!
ვაი, ვაი, ვაი!


ზოსიმე. ვაი რა პლანები,
უცებ დამეფუშა,
მღვდელი, ბლადოჩინი,
გავხდით ყანის მუშა!
ვაი, ვაი, ვაი!

იოსები. სულო წაჰყმენდილო,
თავო დალუბულო,
ვაიმე საკურთხო,
დაკარგულო ფულო!
ვაი, ვაი, ვაი!

ვეკლანი დავილუბეთ ყველა:
მედავითნე, ბერი,
ხუცეს — დიაკონი,
დავრჩით ყველა შტერი!
ვაი, ვაი, ვაი!

გოგია.

მზადება ავტოკეფალურ ეკლესიისთვის



ნორჩი მასწავლებელი. ბაბუ! თუ შენ ეგრე "იკოკლე" ქართული ანბანის გარჩევაში, წირვის წესებს სიკვდილამდე ველარ შეისწავლი.